



Na osnovu člana 69. stav 3) i 70. st. 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za izvođenje radova na fekalnoj kanalizaciji naselja Grm MZ Lokvine, uz regionalnu saobraćajnicu R413a Zenica – Čajdraš – Ovnak, u dužini od 456,0m, Gradonačelnik donosi:

ODLUKU
o poništenju postupka javne nabavke

Član 1.

Djelimično se prihvata žalba ponuđača „Špicbeton“ d.o.o. Zenica, te se poništava otvoreni postupak za izvođenje radova na fekalnoj kanalizaciji naselja Grm MZ Lokvine, uz regionalnu saobraćajnicu R413a Zenica – Čajdraš – Ovnak, u dužini od 456,0m, a u skladu sa članom 69. stav 3. Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Stavlja se van snage Odluka o izboru najpovoljnijeg za izvođenje radova na fekalnoj kanalizaciji naselja Grm MZ Lokvine, uz regionalnu saobraćajnicu R413a Zenica – Čajdraš – Ovnak, u dužini od 456,0m, broj: 02-11-19116-2/23 od 24.10.2023. godine.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-19116/23 od 06.09.2023. godine. Obavještenje o nabavci broj: 1355-1-3-205-3-211/23, objavljeno je na Portalu javnih nabavki dana 13.09.2023. godine.

Procijenjena vrijednost za predmetnu nabavku iznosila je 80.000,00 KM bez PDV-a.

U krajnjem roku za dostavu ponuda, Ugovorni organ je zaprimio dvije ponude ponuđača „Špicbeton“ d.o.o. Zenica i ponuđača „Komgrad ZE“ d.o.o. Zenica. Nakon održane e-aukcije Ugovorni organ je donio Odluku o izboru najpovoljnijeg ponuđača, te istu dostavio ponuđačima. Ponuđač „Špicbeton“ d.o.o. Zenica, na istu ulaže Žalbu sa navodom da su radovi već izvršeni, te traži da se poništi Odluka o izboru najpovoljnijeg ponuđača.

Služba za vodoprivredu, putnu infrastrukturu i mjesne zajednice, dopisom broj: 09-45-24881/23 od 10.11.2023. godine, je dala izjašnjenje na okolnosti žalbe u kojem navodi: „Pregledom lokaliteta za koje je raspisana javna nabavka kao i u razgovoru sa direktorom preduzeća „Komgrad ZE“ d.o.o. Zenica, utvrđeno je da je lokalna kanalizacija za mještane naselja Grm, koja prelazi preko regionalne ceste za Ovnak, izgrađena. Naime, kanalizacija je od strane mještana navedenog lokaliteta slobodno upuštena u kanal oborinskih voda regionalne ceste, čime je znatno uticala na bezbjednost odvijanja saobraćaja na istoj, zbog čega je a u svrhu realizacije projekta rekonstrukcije ceste kao i ogromnog pritiska samih mještana, koji su sprečavali dalje izvođenje radova, morala biti riješena.“



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Žalbeni navod da su predmetni radovi već uplaćeni ponuđaču su neosnovani, jer iz Budžeta Grada Zenica za izvođenje radova na fekalnoj kanalizaciji naselja Grm MZ Lokvine, uz regionalnu saobraćajnicu R413a Zenica – Čajdraš – Ovnak, u dužini od 456,0m, nije izvršeno plaćanje.

S obzirom na navedeno, Ugovorni organ poništava postupak javne nabavke u skladu sa članom 69. stav 3. Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BIH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-19116-3/23

Datum: 10.11.2023. godine

DOSTAVLJENO :

- 2 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

